



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-143-6/23**
Datum: **12.06.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ENERGOPETROL“ d.d. Sarajevo, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice, lociranog u Bulevaru V korpusa, u Sanskom Mostu, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E
o vodnoj dozvoli

1. Daje se vodna dozvola pravnom licu „ENERGOPETROL“ d.d. Sarajevo, za ispuštanje onečišćenih oborinskih voda sa lokacije objekta benzinske pumpne stanice, lociranog u Bulevaru V korpusa, izgrađenog na zemljištu označenom kao k.č. broj 961/3, K.O. Sanski Most III, općina Sanski Most.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima sa sistemom za automatsku dojavu o procurenju, zapremine 2x60 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – upojni bunar. Prečišćene oborinske onečišćene vode moraju ostati u maksimalno dopuštenim granicama definiranim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i

zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.9. Talog iz separatora ne smije se ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – tačka 22. tabele Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „ENERGOPETROL“ d.d. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana izdavanja ovog rješenja.
10. Prije isteka važnosti ove dozvole korisnik objekta je dužan da podnese zahtjev za izdavanje nove vodne dozvole.
11. Ovo Rješenje o vodnoj dozvoli se može izmijeniti ukoliko za to nastupe razlozi utvrđeni u članu 130. Stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu vodnog akta.

O b r a z l o ž e n j e

Pravno lice, „ENERGOPETROL“ d.d. Sarajevo, obratilo se ovoj Agenciji dana 05.04.2023. godine zahtjevom za izdavanje vodne dozvole za promet opasnih materija kao i proizvoda od tih materija koje nakon upotrebe dospjevaju u vode te ispuštanje onečišćenih oborinskih voda sa lokacije objekta benzinske pumpne stanice izgrađenog u Bulevaru V Korpusa, na zemljištu označenom kao k.č. broj: 961/3, K.O. Sanski Most III, općina Sanski Most.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Kopija Rješenja o izmjenama podataka; izdano dana 27.10.2021. godine, od strane Općinskog suda u Sarajevu pod brojem 065-0-Reg-21-003840,
- Kopija Uvjerjenja o registraciji poreznog obveznika, izdano dana 09.01.2019. godine, od strane Federalnog ministarstva finansija, Porezne uprave – Kantonalni porezni ured SARAJEVO,
- Kopija Rješenja, kojim se daje urbanistička saglasnost D.D. „ENERGOPETROL“ za rekonstrukciju postojećeg poslovnog objekta-benzinske pumpe, gabarita 7,92x6,64 m i dogradnja uz isti gabarita 2,15x8,56 m + 7,92x1,92 m (ukupni gabariti objekta 10,07x8,56 m). Na lokaciji se nalaze tri nadstrešnice, od kojih se dvije ruše, a treća koja se nalazi uz objekat gabarita 8,90x9,91 m se rekonstruiše i dograđuje prema saobraćajnici za 9,80 m, tako da su gabariti rekonstruisane i dograđene nastrešnice 8,90x19,85 m sa dva otoka sa agregatima i nadzemnim spremnikom AD blue kapaciteta 5 m³. Postojeće spremnike za tečna goriva ukloniti i postaviti dva podzemna spremnika za tečna goriva 2x60 m³ sa oduškom ventilima i centralnim utakajućim šahtom, na zemljištu označenom kao dio k.č. 961/2, K.O. Sanski Most III; izdano od strane Općinskog načelnika općine Sanski Most pod brojem UP-1-03-23-1-754/14, dana 09.02.2015. godine (uvezano u projektu),
- Kopija urbanističko-tehničkih uslova za izgradnju, rekonstrukciju i dogradnju postojeće benzinske pumpe „ENERGOPETROL“; dati od strane Općinske službe za prostorno uređenje, građenje i stambene poslove općine Sanski Most pod brojem 1/15, dana 13.01.2015. godine (uvezano u projektu),
- Kopija Izvoda iz izmjena i dopuna Urbanističkog plana grada Sanskog Mosta („Službeni glasnik 5/08) za zemljište označeno kao k.č. broj: 961/2 K.O. Sanski Most III; izdan od strane Općinske službe za prostorno uređenje, građenje i stambene poslove Sanski Most dana 29.09.2014. godine (uvezano u projekt),
- Kopija naloga za plaćanje upravne pristojbe,
- Kopija Kopije katastarskog plana, Katastarska općina: Sanski Most III, broj plana: 9; izdana od strane Općinske službe za geodetske i imovinsko-pravne poslove općine Sanski Most pod UR BROJ: 06-30-99/2015-2, dana 16.02.2015. godine (uvezano u projekt),
- Kopija rješenja, kojim se daje rješenje o prethodnoj vodnoj saglasnosti za rekonstrukciju poslovnog objekta benzinske stanice „Sanski Most“, izgrađene na zemljištu označenom sa k.č. br. 2076/7, 2219/3 i 2220/4 K.O. Sanski Most, općina Sanski Most a u postupku pribavljanja lokacijske dozvole; izdano od strane Agencije za vodno područje rijeke Save pod brojem UP-I/25-1-40-128-2/12, dana 04.04.2012. godine (uvezano u projekt),
- Kopija rješenja o vodnoj dozvoli, kojim se daje vodna dozvola investitoru „ENERGOPETROL“ d.d. Sarajevo za skladištenje i promet opasnih materija i ispuštanje tehnoloških (industrijskih) otpadnih voda iz objekta benzinske pumpe sa pratećim sadržajima, locirane u Bulevaru V Korpusa, naselje Sanski Most, općina Sanski Most, izgrađenog na zemljištu ozančenom kao k.č. broj 2219/3, 2076/7 i 2220/4, K.O. Sasni Most, općina Sanski Most; izdano od strane Agencije za vodno područje rijeke Save pod brojem UP-I/25-3-40-548-4/13, dana 24.10.2013. godine (uvezano u projekt),
- Kopija rješenja, kojim se izdaje okolinska dozvola operatoru „ENERGOPETROL“ d.d. Sarajevo za poslovni objekat benzinske pumpe u Sanskom Mostu, koja se nalazi u ulici Tranzit bb, općina Sanski Most, na zemljištu označenom kao k.č. broj 961/2 K.O. Sanski Most III, kapaciteta spremnika za sirovine 165 m³; izdano od strane Ministarstva za građenje, prostorno uređenje i zaštitu okoline Unsko-sanskog kantona pod brojem 11/2-23-13350-UP-1/09, dana 19.03.2013. godine, u Bihaću (uvezano u projekt),
- Kopija rješenja, kojim se daje investitoru SOUR-u „Energoinvest“ Sarajevo RO „Energopetrol“ Sarajevo OOUR „Energopetrol“ Bosanski Brod odobrenje za upotrebu izgrađenog objekta benzinske stanice u Sanskom Mostu locirane sa lijeve strane obilaznice puta Sanski Most – Ključ; izdano od strane Republičkog komiteta za urbanizam, građevinarstvo, stambene i komunalne poslove Sarajevo, pod brojem 06-361-347, dana 27.08.1980. godine, u Sarajevu (uvezano u projekt),
- Kopija rješenja, kojim se daje investitoru „ENERGOPETROL“ d.d. Sarajevo odobrenje za rekonstrukciju priključka na magistralnu cestu M-15, dionica 002 Sanski Most – Kamičak, stacionaža 2+070, lijevo, za parcelu označenu kao k.č. br. 961/2 k.o. Sanski Most III na kojoj postoji izgrađen poslovni objekat - benzinska pumpa; izdano od strane JP CESTE FEDERACIJE BIH pod brojem UP-1-02.2-23-203/14-RK, dana 07.08.2014. godine (uvezano u projekt),

- rješenje o vodnoj dozvoli, kojim se daje vodna dozvola „ENERGOPETROL“ d.d. Sarajevo, Azize Saćirbegović 4-b, Novo Sarajevo za zahvatanje vode i ispuštanje sanitarnih otpadnih voda izgrađenog poslovnog objekta benzinske stanice sa pratećim sadržajima, lociranog na zemljištu označenom kao k.č. 961/3 K.O. Sanski Most III, općina Sanski Most; izdano od strane Službe za razvoj, poduzetništvo i resurse Općine Sanski Most pod brojem UP-1-02-21-1846/22, dana 25.01.2023. godine (kopija),
- rješenje kojim se odobrava „Energopetrol“ d.d. Sarajevo, Maršala Tita broj 36, upotreba rekonstruisanog i dograđenog poslovnog objekta benzinske pumpe „Energopetrol“ sa pratećim sadržajima, koji se nalazi na magistralnom putu MP Sanski Most-Ključ, na zemljištu označenom kao parcela broj 961/3, K.O. Sanski Most III, za koji je izdano Rješenje o odobrenju za građenje, broj: UP-1-03-23-2-1644/15 od 03.12.2015. godine i Rješenje o produženju važenja istoga za godinu dana, broj: UP-1-03-23-2-2217/16 od 09.12.2016. godine, na ime investitora „Energopetrol“ d.d. Sarajevo, te se predmetni objekat benzinske pumpe sa pratećim sadržajima može koristiti; izdano od strane Općinske službe za prostorno uređenje, građenje i stambene poslove općine Sanski Most pod brojem UP-1-03-23-4-110/18, dana 09.05.2018. godine (kopija),
- opšti akt o održavanju, korištenju i osmatranju vodnog objekta i postupanju u slučaju kvara, urađen dana 02.09.2013. godine (kopija),
- ugovor za usluge čišćenja separatora i bioloških prečištača za energopetrol; zaključen sa DELTA PETROL d.o.o. Kakanj pod brojem 500.1-1-123/22, dana 12.03.2022. godine, odnosno brojem 494/22-DS (kopija),
- rješenje, kojim se odobrava „Energopetrol“ d.d. Sarajevo, Maršala Tita 36, kao investitoru, da može pristupiti izvođenju radova na izgradnji, rekonstrukciji i dogradnji postojećeg poslovnog objekta sa pratećim sadržajima – benzinska pumpa „Energopetrol“ u Sanskom Mostu na MP 15 Sanski Most-Ključ, na zemljištu označenom kao parcela broj 961/3, K.O. Sanski Most III, spratnosti i veličine prema urbanističko-tehničkim uslovima broj 1/15 od 13.01.2015. godine, datim u Rješenju o urbanističkoj saglasnosti broj: UP-1-03-23-1-754/14 od 09.02.2016. godine; izdano od strane Općinskog načelnika općine Sanski Most pod brojem UP-1-03-23-2-1644/15, dana 03.12.2015. godine (kopija),
- izvještaj o monitoringu kvaliteta i kvantiteta sanitarno-fekalnih otpadnih voda benzinske pumpe „ENERGOPETROL“ Sanski Most, broj: 493/22, marta 2022. godine, u Sarajevu (kopija),
- izvještaj o monitoringu kvaliteta i kvantiteta sanitarno-fekalnih otpadnih voda benzinske pumpe „ENERGOPETROL“ Sanski Most, broj: 492/22, marta 2022. godine, u Sarajevu (kopija),
- rješenje o vodnoj dozvoli, kojim se daje vodna dozvola pravnom licu „ENERGOPETROL“ d.d. Sarajevo, za promet opasnih materija kao i proizvoda od tih materija koje nakon upotrebe dopijevaju u vode te ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u Bulevaru V korpusa, općina Sanski Most, na zemljištu označenom kao k.č. broj: 961/3, K.O. Sanski Most III, općina Sanski Most; izdano od strane Agencije za vodno područje rijeke Save Sarajevo pod brojem UP-I/25-3-40-129-5/18, dana 20.04.2018. godine (kopija),
- glavni projekt vodovoda i kanalizacije ; urađen od strane HIGRACON d.o.o. Sarajevo pod brojem T.D. 004-16-05/15, maja/svibnja 2015. godine, u Sarajevu,
- izvješće o reviziji projektne dokumentacije; urađeno od strane TOMIĆ INŽENJERING d.o.o. Ljubuški pod brojem 06-15/2, dana 08.06.2015. godine, u Ljubuškom,
- popratni akt o dopuni podneska zahtjeva od 24.05.2023. godine,
- Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-1/21-3-40-143-4/23, dana 05.05.2023. godine te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-143-4/23 od 26.04.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „ENERGOPETROL“ d.d. Sarajevo, je izgrađen sa desne strane magistralne ceste M 15, u Bulevaru V Korpusa, općina Sanski Most.

Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, spremnika za gorivo, separatora, biološkog prečištača sanitarnih otpadnih voda, upojnog bunara te internih saobraćajnih i parkirnih površina te zelenila.

Gorivo se dovozi autocisternama i pretače u ukopane dvoplašne spremnike, ukupnog kapaciteta 120 m³ (2x60). Sanitarne otpadne vode iz maloprodajnog objekta su kanizacionim cijevima sprovedene do biološkog prečištača, sa prelivom u upojni bunar. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u upojni bunar. Oborinske vode sa manipulativnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama-kanalicama te cijevnim sistemom odvođe do separatora ulja i masti na potreban tretman. Preliv iz separatora je izveden u upojni bunar. Oborinske vode sa pretakališnih površina se nivelacijom istih ka linijskim slivnim rešetkama-kanalicama prikupljaju i odvođe do separatora ulja i masti na potreban tretman, sa prelivom u upojni bunar.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „ENERGOPETROL“ d.d. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Prilog:

- glavni projekt vodovoda i kanalizacije ; urađen od strane HIGRACON d.o.o. Sarajevo pod brojem T.D. 004-16-05/15, maja/svibnja 2015. godine, u Sarajevu,
- izvješće o reviziji projektne dokumentacije; urađeno od strane TOMIĆ INŽENJERING d.o.o. Ljubuški pod brojem 06-15/2, dana 08.06.2015. godine, u Ljubuškom,

Po ovlaštenju

Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „ENERGOPETROL“ d.d. Sarajevo, Maršala Tita 36, 71 000 Sarajevo,
- AVP Sava, ISV – Vodna knjiga
- Sektor 50
- ① Sektor 40, arhiva
- Oglasna ploča-AVP Sava